

HELP HAITI

UN ORA DI TRABAO PA HAITI

Camara di Comercio y Industria (KvK) en vista di e acontecimentonan na Haiti despues di e teremoto devastador di algun dia pasa, cu por resulta e peor desastre natural di tur tempo den nos region, di henter continente americano y entre e peornan den historia di mundo, ta kere cu comunidad di Aruba na e momento aki mester muestra cu nos sa di yuda ora otronan ta den un situacion di angustia y dolor di e magnitud aki.

Apesar cu Aruba no ta pasando den su mihor momento economico awor, esey no ta nada compara cu e destruccion inimaginable cu a caba di sucede na e pais bisiña aki, cu ademá ta e pais mas pover di nos continente. Algo cu ta uni nos tambe ta e cantidad di ciudadano haitiano cu a emigra y bin forma parti di comunidad di Aruba. Nos solidaridad ta cu nan y nan familiarnan na Haiti tambe.

Mirando e necesidadnan grandi cu e pais y su poblacion tin, KvK ta desea di haci un yamado na tur empresa, grandi y chiquito, pa nan duna un aporte financiero, segun nan capacidad financiero. Pensando riba un posibilidad pa simboliza nos ayudo, ta sugeri pa e empresa haci esaki den forma di donacion di **un (of mas) ora di trabao di cada trahador den su servicio**, mientras cu e empresa tambe por informa serca su empleadonan si nan ta desea di contribui adicionalmente sea via di e doño di trabao o individualmente via banco. Naturalmente esaki ta solamente un forma den cual por yega na un ayudo financiero, cu KvK mes a scoge pa haci su aporte.

Por deposita e suma recauda riba un di e cuentanan di Cruz Cora Aruba na e banconan local. E numbernan concerni ta e siguijantenan:

RBTT: 44.25.510 Help Haiti Red Cross
CMB: 60.64.6004 Help Haiti Red Cross
Banco di Caribe: 810.09.401 Help Haiti Red Cross
Aruba Bank: 12.01.2010 Help Haiti Red Cross

